

河套新編

河

本

新

編

河套軍事考

河套兵爭夏商以前尚矣歌謠所垂自南仲築城朔方始時則殷之季世也其後尹吉甫逐獫狁于太原之外晉文公遷戎翟于西河圖洛之間戰國時趙代句注西畧翟地至榆中又攻中山至九原雲中秦惠王既拔義渠戎二十五城昭王時宣太后誘殺義渠戎王于甘泉遂滅義渠趙武靈王時胡服騎射北破林胡接長城秦走太原訖北地魏走上郡訖國陽趙走代訖高闕列戍置防秦滅六國始皇帝使蒙恬將十萬衆北擊胡悉收河南地渡河取高闕陶山陽山北假中三十六年復使恬將三十萬衆鎮上郡自此以爲常匈奴不敢南下然中國若成役天下怨叛楚漢之際諸秦

所徙適者復去昌頓桑間并樓煩白羊河南王連收秦所奪匈奴
故地遂侵燕代困高帝于白登時侵盜雁門雲中孝文帝十四年
匈奴大入寇候騎至甘泉於是大發兵擊匈奴然遂出塞即還不
能有所殺匈奴益驕歲歲入塞殺掠雲中遼東最甚後四年復大
入上郡雲中漢使三將軍屯北地句注飛狐口堅守如以備胡景
帝中六年匈奴入雁門至武衆入上郡取苑馬吏卒戰死者二千
人當是時匈奴建龍城於漠南控弦之士近百萬其單于庭直代
雲中密邇河套而右王將居西方直上郡以西接氐羌則據有全
套之地故目漁陽上谷以外隴西北地上郡河西雁門代郡五原
雲中定襄並當其入犯之衝武帝即位慨然欲復固秦之舊守自

王恢馬邑之計不行匈奴寇當路塞盜漢邊益急于是銳意用兵
使將軍衛青將三萬騎出雁門李息出代郡擊胡其明年衛青復
出雲中以西至隴西擊胡之樓煩白羊於河南於是漢遂取河南
地築朔方復繕故秦時蒙恬所為塞是歲漢之元朔二年也匈奴
右賢王怨漢奪其地數為寇盜邊及入河南侵擾朔方殺畧吏民
甚衆元朔五年春上令青將三萬騎出高闕衛尉蘇建為游擊將
軍左內史李沮為強弩將軍太僕公孫賀為車騎將軍代相李蔡
為輕車將軍皆領屬車騎將軍俱出朔方右賢王以為漢兵不能
至飲醉漢兵夜至圍右賢王右賢王驚夜遁得右賢裨王十餘男
女萬五千餘人畜數十百萬單于怒昆邪王休屠王居西方為漢

所殺虜數萬人。欲召誅之。昆邪王殺休屠王。并將其眾降漢。於是
漢得昆邪。則隴西北地。河西益少胡寇。元朔四年。大將軍衛青出
定襄。票騎將軍霍去病出代。並深入絕幕。單于遠遁。漠南無王庭。
元鼎六年。遣故太僕公孫賀將軍五千騎出九原。二千餘里。至浮
苴井。從票侯趙破奴萬餘騎。出令居數千里。至匈奴河水。皆不見
虜。而還是時。天子巡邊。自雲陽北。歷上郡。西河。五原。出長城北。登
單于臺。至朔方。臨北河。勒兵十八萬。旌節經千餘里。使使風告單
于。單于不報。漢乃益北。廣田至胘雷為塞。匈奴終不敢以為言。蓋
自漢擊匈奴。卒其全力。經營朔方。以規復陰山。至是而功效始著。
宣帝甘露二年。呼韓邪單于款五原塞。請入朝。明年正月。朝天子。

于甘泉宮留長安月餘還歸國單于請留居光祿塞下有警保漢
受降城光祿塞者武帝太初三年光祿勳韓延壽為所築出五原塞
數百里遠者千里築城障列亭至盧朐初匈奴屠師盧單于五年
少好殺我國中多不安左大都尉欲殺單于使人告漢漢今因杆
將軍公孫敖擊受降城而使浞野侯趙破奴將二萬騎出朔方北
二千餘里期至浚稽山而還至期事覺單于謀之浞野侯引還未
至受降城四百里為匈奴所得因遣兵攻受降城不能下乃侵入
邊而去宣帝順呼邪王之請遣長樂衛尉高昌侯董忠等將六千
騎送單于留衛單于力諄不服竟寧元年單于復入朝元帝以後
宮良家子王昭君賜上單于驪喜上書願保塞上谷以西至敦煌

請罷邊吏士卒以休天子人民漢用侯應議優詔却之自是匈奴
奴將牧近塞下為漢北藩百餘年間河套晏然中國以寧及東漢
初年徙南單于部落於塞內而河套復失初匈奴外部大人共議
立日逐王比為呼韓邪單于款五原塞願求為藩蔽捍禦北虜建
武二十六年冬五骨都侯子將其眾三千人歸南部北單于使騎
追擊獲其眾南單于遣兵拒之逆戰不利于是復詔單于徙居西
河美稷令西河長史歲將騎二千弛刑五百人助中郎將衛護單
于南單于既居西河亦列置部王助為扞戍使韓氏骨都侯屯北
地右賢王屯朔方當于骨都侯屯五原呼衍骨都侯屯云中皆領
部眾為郡縣偵邏耳目於是孝武以來經營蠻貊之跡悉淪于游

牧然終漢之世匈奴南 既分形禁世格故不能大為過惠明帝
永平八年北單于欲合市遣使求和親八年遣越騎司馬鄭眾北
使報命而南郡須卜骨都候等 漢與北虜交使懷嫌怨欲叛密
因北使令遣兵迎之鄭眾上言宜置大將屯衛以防二虜交通由
是始置度遼營以中郎將吳棠行度遼將軍事副校尉來苗左校
尉闔章右校尉張國將黎陽虎牙營士屯五原曼柏又遣都尉秦
彭將兵屯美稷其年秋北虜果遣二千騎候望作馬革船欲渡迎
南部叛者以漢有備乃引去其後竇憲出朔方雞鹿塞擊北匈奴
至燕然山北匈奴遠遁由是二虜交通之機永絕邊患稍益戾然
中世以後羌胡之勢自西而東漸及于套南諸郡安帝永初五年

羌叛二千石令長多請內徙以避寇難朝廷從之百姓隨道死亡
喪其大半順帝永和間又內徙朔方以西障塞多不修南單于憂
恐上言求復障塞順帝從之增置緣邊諸郡兵列屯塞下教習戰
射其後又用虞詡言復北地上郡還舊土然不久復入于寇桓靈
之世羌胡大擾定襄云中五原朔方上郡等五郡魏黃初二年又
遷并州於嶺南以避寇於是河套內外阨塞之地盡淪於左衽戎
狄猾夏之勢成矣

晉惠帝永興元年劉淵僭號自是中原鼎沸劉石苻姚忽起忽滅
皆領有套地然其兵爭則在河洛汾渭之間河套一隅不當衝要
自拓跋魏都盛樂赫連勃勃據夏州而河套始紛然多事矣劉衛

辰者赫連勃勃之父也。初降於苻秦。又叛附於代。秦將鄧惠討擒之。木根山既而復使統所部。晉太元二年。衛辰患代之逼。引秦兵擊代。遂定代地。分代民爲二部。自河以東屬別部大人劉庫仁。自河以西屬劉衛辰。衛辰於是督攝河西諸郡。屯代東城。遂盡有朔方之地。控弦之士三萬八千。太原九年。苻秦亂。十一年。諸部共推拓跋珪爲主。復居定襄之盛樂。遂襲五原屠之。又追緝鮑提至跋那山。太原十六年。魏主珪討劉衛辰。直抵其所居悅跋城。執衛辰殺之。勃勃奔于姚興。興以勃勃爲五原公。二十年秋。燕慕容垂遣子寶伐魏。拓跋珪悉徙部落富產西渡河千餘里以避之。燕軍至五原。進臨河。珪亦治兵河南。與燕軍隔河而壘。又使拓跋虔將五

萬騎屯河東拓跋儀將十萬騎屯河北拓跋遵將七萬騎塞燕南
相持久之燕軍夜遁時河水未結竇以魏兵必不能渡不設斥堠
會暴風冰合珪引兵濟河追敗竇於參合波死者十餘萬人已復
叛秦龍殺沒婁于高平而併其眾義熙三年自稱大夏天王既而
破鮮卑薛干等部進攻秦三城以北諸戎侵畧嶺北諸城又西擊
禿髮僂檀於枝陽敗之于陽武下峽多殺士卒積其屍為京觀號
髑髏台姚興遣其將齊難來伐勃勃退如河曲難以去勃勃既遠
縱兵野掠勃勃潛軍覆之難引軍而退勃勃復追擊于木城拔之
擒難俘其將士萬有三千戎馬萬匹嶺北夷夏降附者數萬勃勃
又與興將張佛生楊佛嵩等戰于青石原皆敗之于是發嶺北夷

夏十萬人于朔方黑水之南營起都城勃勃自言朕才統一天下
君臨萬邦可以統萬為名劉裕之定關中也留其子義真守之自
引兵還勃勃大喜因進兵畧定關中羣臣勸都長安勃勃曰朕豈
不知長安累帝舊都有山河四塞之固但荆吳遠僻勢不能為人
之患東魏與我同境壤去北京數百餘里朕在長安北京恐有
不守之憂朕在統萬彼終不數濟河諸卿適未見此耳乃於長安
置南臺還居統萬當是時拓跋氏鼎盛太宗元明帝漸有潼衛河
洛諸州然北鄙方有柔然之患故未遑修怨於夏魏太宗泰常八
年二月築長城于長川之南起自赤城西至五原延袤二千餘里
備置戍衛是年太宗殂柔然統并蓋可汗將六萬餘騎入雲中攻

拔威樂宮。魏主燾輕騎討之，射殺其大將，欲乘虛再攻。統捨輜重，以輕騎三萬倍道先行，分兵伏于深谷。昌出戰，大潰，奔上卦套地。盡為魏有。然魏自孝文遷洛以後，形勢隔絕，河套又多事，六鎮首相構難。明帝四年，柔然入寇懷朔、沃野，所在叛亂。統乃勅種人與相結合。夏州刺史時子雍嬰城固守，時饑饉迫切，子雍留子延伯居子，率羸弱向東。夏運糧因求援于大行臺北海、五瀨，瀨給子雍兵馬。子雍轉門而前，九月之中，凡數十戰，卒平東夏。徵租粟，運于統，萬於是二夏復寧。未幾，魏分為東西。宇文泰出於武川，高歡出於懷朔，皆套東北之人也。泰初鎮夏州，遂併關中。歡統六鎮降衆，建牙陽曲川。文帝大統二年，歡自將萬騎襲夏州，不火食四日而至，縛稍。

為梯夜入其城擒刺史斛拔俄彌突因而用之留其將張瓊許和
守之未幾張瓊許和以夏州降自固還唐柔然衰而突厥起河套
復多事

突厥既滅柔然而據其地雄長漠北控弦數十萬中國憚之固齊
爭結姻好傾府藏以事之情高祖受禪待之甚薄北夷大怒開皇
元年遣司農少卿崔仲方發丁三萬於朔方靈武築長城東至黃
河西距綏州南出勃嶺綿亘七百里明年帝復令仲方發丁十五
萬於朔方以東緣邊險要築數十城以遏寇虜開皇二年十二月
突厥沙鉢略可汗悉衆自木峽石門兩道來寇入上郡弘化命衛
王爽等為行軍元帥分八道出塞擊之爽督總管李充出朔州道

與沙鉢略遇於白道克帥精騎五千掩擊突厥大破之沙鉢略棄
所服金甲而遁其軍無食粉骨為糧加以疾疫死者甚眾其後沙
鉢略逃為阿波連頭等所困遣使請和並請將部落度漠南寄居
白道川詔許之開皇十七年上欲離間北夷以宗女安義公主嫁
沙鉢略子染干時號突利可汗居北方特厚其禮賜都藍可汗雍
虞閭聞之怒曰我大可汗也反不如染干乎於是數為邊患十八
年突利奏都藍欲攻大同城在今吳喇或旂唐天德軍西南詔蜀王秀出靈

州道以擊之明年又遣漢王諒為元帥左僕射高穎率將軍王彥
上柱國趙仲卿並出朔州道右僕射楊素率柱國李徹韓僧喜出
靈州上柱國燕榮出幽州以擊之雍虞閭于夜以五騎與隋使長

孫晟歸朝拜為啟民可汗於朔州築大利城以居之今歸化城城西部落

歸者甚眾雍虞閭又擊之上復令入塞雍虞閭侵掠不已用長孫

晟言徙五原以河為固遷于夏勝二州之間東西至河南北四百

里掘為橫塹令處其中於是突厥復居套內一如東漢南匈奴故

事仁壽元年代州總管韓洪為虜所敗詔楊素為雲州道行軍元

帥率啟民北征斛薛等姓初討於啟民至是而叛素軍河北值突

厥阿勿思力候斤等南渡掠啟民男女六千口雜畜二十八萬而

去素率大將軍梁默輕騎追之轉戰六十餘里大破侯斤悉得人

畜以歸兵既渡河賊復掠啟民部落素率驃騎范貴於窟結谷東

南奮擊復破之追奔八十餘里場帝大業三年四月帝北巡次榆